

Ina nova steila al firmament musical

La Brass Band Surselva ha battegiu sia nova disc cumpact «Mia steila»

■ (anr/ac) Cun «Mia steila» sedediche-scha la Brass Band Surselva a musica da cumponists grischuns. La disc cumpact ei vegnida battegiada il vendergis passau ella uustria dalla brauaria da Flem. Presentar la Brass Band Surselva ei strusch pli necessari. La formaziun ragischada fermamein egl intschess sursilvan e siu contuorn ha recaltgau in gronda reputaziun ella scena da brass dalla Svizra. Quei igl onn 2006 cun gudignar la concorrenza naziunala d'emprema classa a Montreux. Negin motiv denton per la band da bandunar las ragischs sursilvanas e grischunas. Cuntrari, la formaziun, dapi igl onn 2005 sut la bitgetta da Roman Caprez, ei s'engaschada da realisar ina disc cumpact cun musica da cumponists indigens. Aschia ein vengidas arranschadas per diever da brass ovras enconuscentas da cant dil cumponist Giusep Maissen. Ei setraca da sia ovra «Remiscenzas», lu «Uras stgiras» e la canzun che ha dau alla disc cumpact il num «Mia steila».

Tuns da cumponists contemporans

Als cumponists contemporans Fortunat Frölich e Gion Andrea Casanova ein medemamein stai dalla partida il vendergis passau a Flem. Fortunat Frölich ha contribuü duas cumposiziuns; «Melodia» e «Hero», Gion Andrea Casanova ei presents cun tschun cumposiziuns sin la disc cumpact. Corsin Tuor ha arranschau differents cumposiziuns per «Mia steila» e



La Brass Band Surselva ha gest ediu ina nova disc cumpact. «Mia steila» cunteng sulet musica da cumponists indigens.

MAD

Povra «CMS March» deriva da sia plema. Fortunat Frölich sco Gion Andrea Casanova ein s'exprimi a caschun dil batten ella uustria dalla brauaria a Flem pertuccont la lavur da cumponer per la musica da Brass. Per domadus cumponists derivonts plitost dalla musica classica ina sfida intressanta. Il dirigent Roman Caprez ha dau d'entellir che la formaziun astgi

esser loscha dil resultat. Bein seigi il repertori buca staus sempels, derivien las cumposiziuns gie da differents cumponists e seigien cheutras era da different stil. Loscha astgi la Brass Band esser dallas cumposiziuns indigenas e Roman Caprez spera che la secunda disc cumpact dalla formaziun seigi buca la davosa. Avon ils hospes e sponsurs presents el-

la uustria dalla brauaria ha la Brass Band schau resunar enqual cumposiziun nova. Ellas ein mintgamai vegnidas commentadas dils cumponists presents. Tgamunau il batten dalla disc cumpact ha Othmar Seiler e la Televisiun Ruman-tscha ha emess il batten direct el Teleguard.

La Brass Band Surselva ei denton bu-

ca sulet d'udir via disc cumpact. La formaziun se presenta duront il meins november en treis loghens. Sonda, ils 7 da november allas 20.00 ella sala da cultura a Trun. Dumengia, ils 8 da november alla 17.00 el Titthof a Cuera e sonda, ils 28 da november separticipescha la formaziun alla concorrenza naziunala da Brass a Montreux.

Augmentar il recav per puder investir

Alla radunonza generala dallas pendicularas BVA ein ils plans per il futur stai tematisai.

■ (anr/ac) Las pendicularas Breil/Vuorz/Andiast planiseschan las investziuns proximas. Per saver financiar quellas basegan ei da dapli entradas. La sonda passada ein ils acziunaris stai envidai alla radunonza generala a Breil. La bilanza selai veser. Dapi diesch onns tgamuna Markus Hasler las pendicularas Breil/Vuorz/Andiast SA. El decuors da quels diesch onns ei la sviulta dall'interpresa carschida per bunamein 80 pertschien. Il president dil cussegl d'administraziun, Marcel Friberg, ha remunerau avon la radunonza generala dils acziunaris a Breil las stentas dil directur e sias habilitads d'elavurar strategias ed era da realisar quellas. E gest il directur ei staus dumandaus da stipular avon ils acziunaris ils proxims pass d'investiziun. Bein ha l'interpresa investau considerabel ils onns passai ell'infrastructura. Tuttavia eis ella sfurzada d'augmentar sviulta e recav per saver financiar ils proxims pass ord atgna forza. Tenor las explicaziuns dil directur ei il cussegl d'administraziun dallas pendicularas sefatschentaus duront treis gis cun ils pass proxims. Ils ovs cuai duront quella fasas dalla concentraziun strategica cuntengnan treis secturs d'investiziun previ per fermir il recav dall'interpresa. Aschi ein vinavon planisadas investziuns ella producziun da neiv artificia, inaga cun ina staziun da pumpar aua ord il lag da Breil. Ennevar da niev vul l'interpresa la pista da colligiazioni alla staziun amiez dalla sutgera da Vuorz ed era la pista nera dalla vart da Breil. Per buca cuntentevla han ils responsabels taxau la situaziun gastronomica dall'interpresa. Investiziuns en quei sectur ein previdas ell'ustria da Curtginet cun midar il concept da menaschi ed erer stabiliments per il menaschi intern. Construir in'ustria nova vulan ils responsabels a Burleu. Sco igl ei stau d'intervegnir ei il cussegl d'administraziun gia sefatschentaus cul stil da quei stabiliment. Il cussegl para dad esser amitg dil



Il directur Markus Hasler, dapi diesch onns en survetsch dallas pendicularas, gratulescha a Josef Gabriel (sen.) per siu engaschi da 25 onns a favur dall'interpresa.

FOTO A. CADONAU

stil rustical. Vinavon pervius ein in stabiliment d'ustria sin il pli ault punct contonschibel culs indrezs da transport, il Fil. En quei liug taxaus per exclusiv vulan ins plitost crear enzategi en direcziun exclusivitat. Fermir vulan las pendicularas BVA era la sesion da stad cun differents puschidas per augmentar la sesion fleivla dall'interpresa tier ina ulteriura petga da fatschenta. Davart las summas d'investiziun ei buca vegniu informau ed il president dil cussegl d'administraziun ha relativau ils plans fiers sin meisa. El ha tschintschau dad ina fasa da restabilir la bilanza dall'interpresa suenter las investziuns dils onns passai.

Augmentar vinavon il recav

Alla radunonza dils acziunaris dallas pendicularas BVA ei vegniu menziunau

dalla vart dil cussegl d'administraziun la necessitad d'augmentar vinavon sviulta e recav per saver investir ed amortisar a moda raschuneivla. Ord atgna forza selai quei augment denton buca realisar. Malgrad las grondas activitads da construcziun gest el vitg da Breil mauncan letgs cauld alla destinaziun per utilizar meglier ils indrezs principalmein duront la denterseziun. Memia biars gis duront la stagiun d'unviern ein las pistas sutfrequentadas. Sco ei para ei vegniu construiu ils davos onns memia biaras casas vitas a Breil. Las speranzas turisticas sedrezzan per quei motiv viers l'interpresa Landal Green Park ch'ei intenziunada da construir a Breil in resort. Informaziun detagliadas en quella caussa ha ei denton dau neginas.

Il president dil cussegl d'administra-

ziun ha aunc plidentau en sias explicaziuns introductivas alla radunonza las smanatschas da singulas interpresas da lantschar in cumbat da prezis enteifer la branscha turistica dallas pendicularas. Per Marcel Friberg havess in tal cumbat consequenzas fatalas per la branscha. Ina branscha che sappi buca selubir da vender cartas dil gi da sulet 30 francs.

Quei svilup zavrass, tenor las explicaziuns dil president, beinspert la branscha e probabel buca tut las interpresas che pudessien surviver il cumbat da prezis. Suenter las fatschentas statutaricas, liquidadas tuttas tenor proposta dil cussegl d'administraziun, eis ei stau temps da honorar ils collaborators meriteivels per in engaschi durabel a favur dalla pendicularas BVA. Sper il directur cun ses diesch onns d'uffeci han ils acziunaris spendiu applaus a Josef Gabriel, dapi 25 onns en survetsch. Dapi diesch onns lavuran tier las pendicularas, Roger Caduff, Guido Camenisch, Gérard Carigiet, Selda Cavegn, Martin Ernst e Martin Morgethaler. Per igl engaschi da 5 onns ein vegni undrai Bettina Bass e David Schmed.

reclama

Telefonbuch | Freizeit | Fundgrueb | Autobörse

Veranstaltungen leicht finden. Auf www.local.ch, Ihrer regionalen Suchmaschine.

local.ch

GLION

Prevenziun dil cancer – tgei fa senn?

(anr/gv) Mesjamna proxima, ils 4 da november refereschon Ueli Zellweger, il caumiedi dalla medischina el Spital regional dalla Surselva, e Richard Cathomas, il caumiedi dalla oncologia al Spital cantunala a Cuera, dalla prevenziun dil cancer. Els referats ein publics ed han liug ella caplutta dil Spital regional dalla Surselva a Glion. L'entschatta ei allas 19.00. Els referats tractan ils dus medis dil cancer dil magun, dil begl, dils seins e dalla prostata. Sper las malsognas dalla circulaziun ein las malsognas dil cancer responsablas per ina gronda part dallas morts prematuras – oravontut da persunas denter 50 e 60 onns. Damai che biaras sorts dil cancer ein curablas sch'ellas vegnan scuvertgas ad uras, vegnan differents controllas da prevenziun cussegliadas e discutadas a moda contraversa. La resca da daventar malsaus dil cancer sa plinavon era vegnir reducida cun ina moda da viver sauna. Els dus referats dils medis renconuschi sefatschentan cun talas damondas.

